

## Мемлекеттік емес өртке қарсы қызметтерге қойылатын рұқсат беру талаптарын бекіту туралы

Қазақстан Республикасы Ішкі істер министрінің 2014 жылғы 7 қарашадағы № 783 бұйрығы. Қазақстан Республикасының Әділет министрлігінде 2014 жылы 8 желтоқсанда № 9942 тіркелді.

**Ескерту. Бұйрықтың тақырыбы жаңа редакцияда - ҚР Ішкі істер министрінің 13.07.2018 № 513 бұйрығымен (алғашқы ресми жарияланған күнінен бастап күнтізбелік жиырма бір күн өткен соң қолданысқа енгізіледі).**

"Азаматтық қорғау туралы" 2014 жылғы 11 сәуірдегі Қазақстан Республикасы Заңының 12-бабы 1-тармағының 70-17) тармақшасына сәйкес **БҰЙЫРАМЫН:**

1. Қоса беріліп отырған Мемлекеттік емес өртке қарсы қызметтерге қойылатын рұқсат беру талаптары бекітілсін.

**Ескерту. 1-тармақ тақырыбы жаңа редакцияда - ҚР Ішкі істер министрінің 13.07.2018 № 513 бұйрығымен (алғашқы ресми жарияланған күнінен бастап күнтізбелік жиырма бір күн өткен соң қолданысқа енгізіледі).**

2. Қазақстан Республикасы Ішкі істер министрлігінің Төтенше жағдайлар комитеті (В.В. Петров) заңнамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрықты мемлекеттік тіркегеннен кейін күнтізбелік он күн ішінде оны мерзімді баспа басылымдарында және "Әділет" ақпараттық-құқықтық жүйесінде ресми жариялауға жолдауды;

3) осы бұйрықты Қазақстан Республикасы Ішкі істер министрлігінің интернет-ресурсына орналастыруды қамтамасыз етсін.

3. Осы бұйрықтың орындалуын бақылау Қазақстан Республикасы Ішкі істер министрінің орынбасары В.К. Божкоға жүктелсін.

4. Осы бұйрық алғашқы ресми жарияланған күнінен кейін күнтізбелік жиырма бір күн өткен соң қолданысқа енгізіледі.

Министр

полиция генерал-лейтенанты

Қ.Қасымов

Қазақстан Республикасы  
Ішкі істер министрінің  
2014 жылғы 7 қарашадағы  
№ 783 бұйрығымен  
бекітілген

## Мемлекеттік емес өртке қарсы қызметтерге қойылатын рұқсат беру талаптары

Ескерту. Біліктілік талаптары жаңа редакцияда - ҚР Ішкі істер министрінің 13.07.2018 № 513 бұйрығымен (алғашқы ресми жарияланған күнінен бастап күнтізбелік жиырма бір күн өткен соң қолданысқа енгізіледі).

1. Осы мемлекеттік емес өртке қарсы қызметтерге қойылатын рұқсат беру талаптары (бұдан әрі – рұқсат беру талаптары) мемлекеттік емес өртке қарсы қызметтердің Қазақстан Республикасының ұйымдарында, елді мекендері мен объектілерінде өрттердің алдын алу мен сөндіру, авариялық-құтқару жұмыстарын жүргізу бойынша жұмыстарды орындауға мемлекеттік емес өртке қарсы қызметтердің сәйкестігін анықтау мақсатында әзірленген.

2. Мемлекеттік емес өртке қарсы қызметтерге мынадай рұқсат беру талаптары қойылады:

1) осы рұқсат беру талаптарына 1-қосымшаға сәйкес нысан бойынша меншік құқығында не лизинг алушы ретінде лизинг арқылы сатып алынған, көлік құралын тіркеу туралы куәліктермен, автомобильді техникалық қарап тексерудің диагностикалық карталарымен және негізгі өрт сөндіру автомобильдерінің өрт сөндіруге дайындығын техникалық қарап тексеру актілерімен расталған кемінде екі өрт сөндіру автомобилінің болуы\*;

2) жұмыскерлерді, өрт сөндіру-құтқару техникасын, жабдық пен жарақты орналастыру үшін меншік құқығында не өзге құқықта ғимараттың немесе үй-жайдың болуы;

3) осы рұқсат беру талаптарына 2-қосымшаға сәйкес мемлекеттік емес өртке қарсы қызметтің бір жұмыскеріне арналған арнайы киім-кешек пен өртке қарсы жарақ тізбесі бойынша арнайы киім-кешекпен және өртке қарсы жарақтармен қамтамасыз етілген штаттық жұмыскерлердің болуы:

кезекшілік ауысымға әр негізгі өрт сөндіру автомобиліне жүргізушіні қоса алғанда 1 бөлімше бастығы, 4 жұмыскер есебінен кемінде 17 адам\*;

кезекшілік ауысымға 1 бекет бастығы және 2 жұмыскер есебінен кемінде 9 адам \*\*;

4) мемлекеттік емес өртке қарсы қызмет жұмыскерлерінің осы рұқсат беру талаптарына 3-қосымшада көрсетілген біліктілікке сәйкес келуі.

Ескертпе:

\* - жолға шығатын өрт сөндіру техникасы бар мемлекеттік емес өртке қарсы қызметтер үшін;

\*\* - жолға шығатын өрт сөндіру техникасы жоқ мемлекеттік емес өртке қарсы қызметтер үшін.

Ескерту. 2-тармаққа өзгеріс енгізілді – ҚР Төтенше жағдайлар министрінің 21.05.2021 № 224 бұйрығымен (алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі).

Мемлекеттік емес өртке қарсы  
қызметтерге қойылатын  
рұқсат беру талаптарына  
1-қосымша  
Нысан

**Негізгі өрт сөндіру автомобилінің өрттерді сөндіруге дайындығын техникалық байқау актісі**  
\*

(МӨҚҚ атауы)

Маркасы, моделі \_\_\_\_\_ шасси \_\_\_\_\_ шыққан жылы \_\_\_\_\_

тіркеу нөмірлік белгісі \_\_\_\_\_ иесі \_\_\_\_\_

шасси \_\_\_\_\_ шанағы \_\_\_\_\_ қозғалтқышы \_\_\_\_\_

1. № \_\_\_\_\_ автомобиль формулярының болуы және оны жүргізу,

№ \_\_\_\_\_ көлік құралын тіркеу туралы куәлік, техникалық байқаудан өтуі туралы куәлік.

2. Спидометр бойынша жүріп өткен жолы \_\_\_\_\_ км.

3. Автомобильдегі өрт-техникалық жабдық пен жарактың тізімдемесі мен оның болуы:

P/c №	Жабдық пен жарактың атауы	Өлшем бірлігі	Саны	Болуы (бар/жоқ)
1	2	3	4	5
1	Ұзындығы 4 м диаметрі 125 мм сорғыш түтік	дана	2	
2	Ұзындығы 4 м диаметрі 75 мм сорғыш түтік	дана	2	
3	Ұзындығы 4-5 м диаметрі 77 мм, гидранттан жұмыс істеуге арналған тегеурінді түтік	дана	2	
4	Ұзындығы 20 м диаметрі 77 мм тегеурінді түтік	дана	6	
5	Ұзындығы 20 м диаметрі 66 мм тегеурінді түтік	дана	10	

6	Ұзындығы 20 м диаметрі 51 мм тегеурінді түтік	дана	6	
7	Ұзындығы 4 м диаметрі 30 мм сорғыш түтік	дана	1	
8	Ұзындығы 12 м жібі бар СВ-125 сорғыш түтікке арналған тор	дана	1	
9	РТ – 70 (РТ – 80) 3 жүрісті тармақталу	дана	2	
10	Бітеуіші бар ВС-125 түтікке су жинағыш	дана	1	
11	Гидранттарды ашуға арналған жалғайтын кілттер	дана	1	
12	Газ түтіннен қорғау қызметінің бағыттаушы арқаны	дана	1	
13	66x51 жалғамалы өтпелі бастиек	дана	2	
14	77x51 жалғамалы өтпелі бастиек	дана	2	
15	77x66 жалғамалы өтпелі бастиек	дана	2	
16	Түтік бекіткіш	дана	4	
17	Түтік қысқыштар	дана	4	
18	Өрт колонкасы	дана	1	
19	К-150 сорғыш түтіктерді қосуға арналған кілттер	дана	2	
20	К-80 тегеурінді түтіктерді қосуға арналған кілттер	дана	2	
21	Гидранттардың қақпақтарын ашуға арналған кілттер	дана	1	
22	Г - 6 0 0 гидроэлеваторы	дана	1	
23	РСК – 50 оқпаны	дана	4	
24	РСА оқпаны	дана	2	
25	РС –70 оқпаны	дана	2	
26	СВП-4 ауа-көбікті оқпаны	дана	2	
27	Тасымалданатын лафетті оқпан	дана	1	

28	ГПС-600 еселігі орташа көбік генераторы	дана	2	
29	Үш иінді саты	дана	1	
30	Шабуыл сатысы	дана	1	
31	Таяқ-саты	дана	1	
32	Ұзындығы 2,5 метрлік металл багор	дана	1	
33	"Әмбебап" сүймен	дана	1	
34	Ұста зілбалғасы	дана	1	
35	Балташы балғасы	дана	1	
36	Жалпақ күрек	дана	1	
37	Ағаш қаптағы ағаш кесетін ара	дана	1	
38	Арматура кесуге арналған қайшы	дана	1	
39	Э л е к т р өткізгіштерді кесуге арналған аспаптар жиынтығы, оның ішінде:			
	диэлектрлік тұтқасы бар қайшы;	дана	1	
	диэлектрлік қолғап;	жұп	1	
	диэлектрлік боты;	жұп	1	
	диэлектрлік кілемше.	дана	1	
40	Ұзындығы 30 м брезент қаптағы құтқару арқаны	дана	1	
41	Өртте жұмыс істеуге арналған тыныс алу органдарын жеке қорғау құралдары (ұсынылады)	дана	4	
42	Ж ы л у шағылыстырғыш костюм	дана	3	
43	Резеңке етік	жұп	4	
44	Электрлік жеке шам	дана	5	
45	Электрлік топтық шам	дана	1	
46	Медициналық дәрі-дәрмек сөмкесі	жиынтық	1	

47	ОУ-5 немесе ОП - 5 өрт сөндіргіш	дана	1	
48	Қысқа сапты күрек	дана	1	
49	Автомобильге техникалық қызмет көрсетуге арналған аспаптар жиынтығы	жиынтық	1	
50	Автомобиль радиостанциясы	дана	1	
51	Т а с ы м а л радиостанция	дана	4	
52	Сигналдық-дауыс зорайтқыш құрылғы	дана	1	
53	Домкрат 5 – 10 т	дана	1	

4. Сигналдық дауыс зорайтқыш құрылғының, сиреналардың, жарқыл маяктардың жай-күйі

---

(болуы және жарамдылығы)

5. Радиостанциялардың жай-күйі \_\_\_\_\_

(болуы және жарамдылығы)

6. Өрт сөндіру автомобилінің өрт сорғышының, газ ағысы-вакуумды тетігінің және/немесе

өзге де арнайы агрегаттарының (атауларын көрсете отырып) жай-күйі, атқарған жұмысы (мото-сағаттар)

---

(өрт сорғыштың өрт сөндіргіш құралдарын беру қабілеттігі, ашық су көзінен су алу және гидрант арқылы жұмыс істеу)

7. Өрт сөндіру автомобилінің техникалық жай-күйі және өртте жауынгерлік іс-қимылдарды жүргізу кезіндегі жұмысқа қабілеттілігі бойынша жалпы қорытынды

---

Комиссия мүшелерінің қолдары:

Комиссия төрағасы \_\_\_\_\_

---

(бар болған жағдайда қолы, аты-жөні, тегі)

Комиссия мүшелері \_\_\_\_\_

---

(бар болған жағдайда қолы, аты-жөні, тегі)

М.О.

\*автомобильдің жай-күйін тексеру және осы актіні жасау мемлекеттік емес өртке қарсы қызметтің орналасқан жері бойынша азаматтық қорғау саласындағы

уәкілетті органның аумақтық бөлімшесінің комиссиясына жүктеледі.

Мемлекеттік емес өртке қарсы  
қызметтерге қойылатын  
рұқсат беру талаптарына  
2-қосымша

**Мемлекеттік емес өртке қарсы қызметтің бір жұмыскеріне арнайы киім-кешек пен өртке қарсы жарақтау тізбесі**

P/c №	Арнайы киім-кешек пен өртке қарсы жарақтың атауы	Өлшем бірлігі	Саны
1	2	3	4
1	Өрт өндірушінің жауынгерлік киімі	жиынтық	1
2	Жүн қосылған матадан тігілген шлемнің астынан киетін бас киім	дана	1
3	Қорғаныш түсті мойны жабық свитер	дана	1
4	Білекті брезентті қолғап	жұп	1
5	Білекті тері қолғап	жұп	1
6	Карабині бар өрт сөндірушінің құтқару белдігі	дана	1
7	Өрт сөндірушінің каскасы (шлем)	дана	1
8	Өрт сөндірушінің етігі	жұп	1
9	Өрт сөндіруші балтасының белдік қабы	дана	1
10	Резеңке етік	жұп	1

Ескертпе:

Мемлекеттік емес өртке қарсы қызмет қызметкерлері өндірістік қызметтің ерекшеліктерін ескере отырып, осы нормалар бойынша арнайы киім-кешекпен және өртке қарсы жарақтармен қамтамасыз етіледі.

Мемлекеттік емес өртке қарсы  
қызметтерге қойылатын  
рұқсат беру талаптарына  
3-қосымша

**Мемлекеттік емес өртке қарсы қызмет қызметкерлерінің біліктілігі**

Ескерту. 3-қосымша жаңа редакцияда - ҚР Төтенше жағдайлар министрінің 27.06.2022 № 238 (алғашқы ресми жарияланған күнінен бастап күнтізбелік алпыс күн өткен соң қолданысқа енгізіледі) бұйрығымен.

Лауазым атауы	Біліктілігі
1	2

Қызмет (жасақ) бастығы және оның орынбасарлары, өрт сөндіру бөлімінің бастығы және оның орынбасарлары	Өрт қауіпсіздігі саласындағы жоғары техникалық білім немесе орта техникалық білім, мемлекеттік өртке қарсы қызмет органдарының басқару аппаратының немесе өрт сөндіру бөлімшелерінің басшы лауазымдарында кемінде 3 жыл жұмыс өтілі.
Өрт сөндіру бекетінің бастығы және оның орынбасары	Өрт қауіпсіздігі саласындағы жоғары техникалық білім немесе орта техникалық білім, өртке қарсы қызметтің басқару аппаратының немесе бөлімшелерінің лауазымдарында кемінде 1 жыл жұмыс өтілі*
Қарауыл бастығы (ауысым бастығы)	Орта техникалық білім, өртке қарсы қызмет бөлімшелеріндегі лауазымдарда кемінде 1 жыл жұмыс өтілі*, өрт қауіпсіздігі саласындағы мамандандырылған оқу орталығында арнайы даярлаудан өткен.
Өрттің алдын алу аға нұсқаушысы	Орта техникалық білім, өртке қарсы қызмет бөлімшелеріндегі лауазымдарда кемінде 1 жыл жұмыс өтілі*, өрт қауіпсіздігі саласындағы мамандандырылған оқу орталығында арнайы даярлаудан өткен.
Өрттің алдын алу нұсқаушысы	Орта білім, өрт қауіпсіздігі саласындағы мамандандырылған оқу орталығында арнайы даярлаудан өткен.
Газ-түтіннен қорғау қызметінің шебері	Орта білім, өрт қауіпсіздігі саласындағы мамандандырылған оқу орталығында арнайы даярлаудан өткен және сығылған ауадағы аппараттарда жұмыс істеуге рұқсаты бар.
Бөлімше командирі	Орта білім, өртке қарсы қызмет бөлімшелеріндегі лауазымдарда кемінде 1 жыл жұмыс өтілі*, өрт қауіпсіздігі саласындағы мамандандырылған оқу орталығында арнайы даярлаудан өткен.
Аға өрт сөндіруші, өрт сөндіруші	Орта білім, өрт қауіпсіздігі саласындағы мамандандырылған оқу орталығында арнайы даярлаудан өткен.
Өрт сөндіру автомобилінің жүргізушісі (аға жүргізуші)	Орта білім, "С" санатындағы жүргізуші куәлігі осы санат бойынша кемінде 1 жыл автомобиль жүргізу тәжірибесімен, өрт қауіпсіздігі саласындағы мамандандырылған оқу орталығында арнайы даярлаудан өткен.
Радиотелефонист (байланыс бекетінің диспетчері)	Орта білім, өрт қауіпсіздігі саласындағы мамандандырылған оқу орталығында арнайы даярлаудан өткен.

\*мемлекеттік өртке қарсы қызмет органдарындағы не мемлекеттік емес өртке қарсы қызмет жүйесіндегі жұмыс кезеңі өртке қарсы қызмет бөлімшелеріндегі жұмыс өтілі деп есептеледі.